



## Terenga 3: Hōtaka 44 – Kīwaha

### He Mihi

Kei ngā kaihoe o tō tātou nei waka o te reo e whakaterea nei ki runga ki ngā moana karekare o te wā, nau mai anō ki te tumu herenga awhero o Ako.

### Hei Mahi Whakarongo

Haere he hui Māori, he kai ka hora. Ko te tohu tēnā o te manaaki a te hau kāinga i āna manuwhiri. I te rā nei, ka rongo tātou ki ngā kōrero whakariterite kai a Vikki Rangī. Anei ngā pātai:

- 1) Ko wai te uri whakangau poaka?
- 2) He aha hei kai wainene?
- 3) Kei te wātea tana hoa ki te tunu parāoa?

### He Whakamārama

Ko te kīwaha hei whakaū anō mā tātou i te rangi nei, ko '**Māna**'. E tohu ana tēnei kīwaha kāore koe i te tino mōhio āe rānei he tika tāu e kōrero ana, he pōhēhē noa iho kē rānei. I ētehi wā, mena ka tau te kīwaha ki te mutunga o ō kōrero, ā, he pātai te āhua o te whakahuahua, kei te whakatuwheraha e koe te huarahi kia whakatikaina tō pōhēhē e tētehi atu.

Anei ētehi taurira:

Mere: Ko Rangī te tuakana. Māna, ko Reimana kē.

Rau: E hoa e, ko Timi kē te tuakana o rāua tahi.

Kene: Ko te tikanga kua tae kē mai a Kīpa, māna - kua tōmuri te waka.

Aro: Kāore anō au kia kite i te māori rā. Kei te tika pea tāu. Kua tōmuri te waka.

Whero: Ko koe te tangata tika kia tū ki te mihi. Māna?

Tini: Kaua au e tū, e hoa. He pāpā tērā nōku e noho ana i te paepae. Ko koe rā hei waha mō tāua.

### Hei Mahi

**Whakamāoritia ēnei rerenga. Whakamahia te kīwaha o te rā nei.**

1. According to reports, you're a good cook. Or what?
2. The meeting should've started at 9. Or is my info wrong?
3. Go to her. She's the appropriate person to answer your questions. Then again, I could be wrong.
4. Clean your room. Or have you done it already?
5. Te Waka Huia composed that song. Or did they?

### He Whakautu:

1. E ai ki ngā kōrero, mō te tunu kai, ko koe a runga! Māna?
2. Ko te tikanga i tīmata te hui i te 9 karaka. Māna, kei te hē ngā kōrero i tae mai ki a au.
3. Haere ki a ia. Ko ia te tangata tika hei whakautu i ō pātai. Māna?
4. Whakapaipaihia tō rūma. Māna, kua oti kē?
5. Nā Te Waka Huia te waiata rā i tito. Māna?